

Washington University School of Medicine

Digital Commons@Becker

Lecture Notes

Brown, Gustavus Richard

1767

De ascite

Thomas Marten

David Ruhnkenius

Follow this and additional works at: https://digitalcommons.wustl.edu/gustavus_brown_lecturenotes



Part of the [Medicine and Health Sciences Commons](#)

Recommended Citation

Marten, Thomas and Ruhnkenius, David, "De ascite" (1767). *Lecture Notes*. 4.
https://digitalcommons.wustl.edu/gustavus_brown_lecturenotes/4

This Book is brought to you for free and open access by the Brown, Gustavus Richard at Digital Commons@Becker. It has been accepted for inclusion in Lecture Notes by an authorized administrator of Digital Commons@Becker. For more information, please contact vanam@wustl.edu.

DISSERTATIO MEDICA
INAUGURALIS,
DE
ASCITE,
QUAM,
JUVANTE SUMMO NUMINE,
Ex Auctoritate MAGNIFICI RECTORIS,
DAVIDIS RUHNKENII,
HISTORIARUM ET ELOQUENTIÆ IN ACAD.
LUGD. BAT. PROFESSORIS ORDINARIJ,

NEC NON

Amplissimi SENATUS ACADEMICI *Consensu*, &
Nobilissimæ FACULTATIS MEDICÆ *Decreto*,
PRO GRADU DOCTORATUS,
Summisque in MEDICINA Honoribus, & Privilegiis
ritè ac legitimè consequendis,
Eruditorum Examini submittit

THOMAS MARTEN,
ANGLO BRITANNUS.

Ad diem XIII. Junii, MDCCLXVII. Horâ x. L. Q. S.



LUGDUNI BATAVORUM,
Apud THEODORUM HAAK, 1767.

Bd. with
xvWZ
260
C9678
1767

1944708

Crescit indulgens sibi dirus hydrops,
Nec sitim pellit, nisi causam morbi
Fugerit venis, & aquosus albo
Corpore languor.

HOR. *Lib. II. Carm. II.*

V I R O

D O C T I S S I M O,

M E D I C O P E R I T I S S I M O,

E T

A M I C O I N T E G E R R I M O,

T H O M A S S M I T H,

H O C O P U S C O N S E C R A T U M E S T,

U T S P E C I M E N M I N I M U M,

A M I C I T I Æ M A X I M Æ

A U C T O R E

N E C

NEC NON

GULIELMO ROBERTSON,
VILLÆ RICHMONDIÆ
IN ANGLIA

CHIRURGO PERITISSIMO,
SUO IN MEDICINÆ RUDIMENTIS
PRÆCEPTORI FIDELISSIMO,
MONITORI LIBERRIMO ET AMICISSIMO,
QUI MORTUO PATRE OMNE PATERNUM
OFFICIUM ILLO TEMPORE, SUSCE-
PIT, PRÆSTITIT, ABSOLVIT; ET
CUJUS TOT TANTAQUE
BENEFICIA

NULLUS DIES SIBI MEMORI EX ANIMO DELEBIT;
HUNC PRIMUM MEDICINÆ LABOREM JU-
VENILEM DEVOVET,

THOMAS MARTEN.

Pag. 1

DISSERTATIO MEDICA
INAUGURALIS,

DE

ASCITE.

§. I. DE HYDROPE IN UNIVERSUM.

Hnter varios, quibus humanum corpus obno-
xium est, morbos, vix ulli sæpius aut gra-
vius homines afficiunt, quam qui generali
Hydropis nomine insigniuntur. De singulari
generis hujusce morbo quodam verba factu-
rus, hic in limine, ut quæ postmodum dicenda sunt cla-
riora evadant, quæ ad generalem hydropis doctrinam spe-
ctant, paucis præfari haud incommodum fore duxi.

„Hydrops igitur est collectio, præter naturam, aquarum
in quovis corporis cavo fluidorum.

In sano & naturali Corporis statu, in unumquodque cavum

A

certa

certa fluidorum aqueorum portio, ab exiguarum arteriarum extremis, per cavi latera sparsis, secernitur.

Fluidum hocce ita secretum rursus, pro certa ratione, ab extremis alterius generis vasorum absorbitur, quæ ideo instituta sunt, ut id recipiant & in circulantem fluidorum massam denuo transmittant.

His ita positis & agnitis, consentaneum est, præternaturalem aquæ collectionem in quovis corporis cavo fieri posse, siquando vel secretio aut effusio fluidorum augeatur, vel absorptio solita minuatur.

Hydopes ergo in universum, quatenus ex hisce casibus pendet, aut ab exhalatione præternaturali per arterias aucta, aut ex inhalatione a venis imminuta, oriantur, necesse est. Et ad percipiendam generalem hydropis naturam, in causas, quæ vel illam augeant, vel hanc minuant, inquirendum.

EFFUSIO AUCTA.

Et primum quidem auctæ effusionis causæ considerandæ obveniunt, quæ tres existimandæ sunt, quibus hæc aucta effusio debeat.

1. Pressura in extrema vasorum exhalantium aucta, orificiis exhalantium & fluidorum exhalandorum in conditione & statu naturali manentibus.
2. Exhalantium apertura aucta, fluidorum pressurâ & conditione iisdem manentibus.
3. Fluidorum tenuitas aucta; unde fluidum per apertu-

ram

ram exhalantem liberius effunditur, iisdem & in statu naturali manentibus pressura & apertura.

Ad primum harum causarum quod attinet, in Hydraulicis datum & concessum est, copiam fluidi, e tubo aperturæ datæ effusi, cæteris paribus, esse pro ratione pressuræ, quâ fluidum in orificium tubi agit. Quicquid igitur intus contenti fluidi, in arterias exhalantes, pressuram augeat, majorem ejus fluidi copiam in dato tempore profundius efficiet, idque pro ratione auctæ pressuræ.

In corpore autem humano, pressura fluidorum in arteriarum extrema causæ variæ censeri possunt.

Impetus magnarum arteriarum auctus; quo sanguis in vasa minora majore vi & velocitate impellitur, atque inde secretio augetur.

Hanc causam fluidorum aqueorum secretionem augere, manifesta indicia testantur; sudores nempe & ejusmodi secretiones, soliti effectus motus corporis aucti, qui eâ excitantur; & ubi nulla alia in corpore, nisi auctus arteriarum impetus, mutatio induci videtur.

Idemque in febribus apparet, ubi arteriarum impetus auctus, victâ tandem minorum vasculorum constrictione, liquidum & profusum per totam corporis superficiem sudorem effundit. Verissima etiam & quæ maxime invaluit, de tumore in phlegmone opinio hæc est; eum, scilicet, oriri, ex adaucta feri sanguinis effusione in cavitates, in quas arteriæ parvæ terminantur.

Similis etiam ratio reddi potest ejus tumoris, qui omnes alias inflammationum species comitatur; quarum in

quibusdam ipsi hi tumores, *οὐδὲναιμα*, *διδημα*, manifeste observati sunt. (a)

Secunda jam causa, quæ effusionem augere potest, consideranda obversatur.

Fines arteriarum exeunt in venas, in ductus excretorios & in canales exhalantes: ubicunque igitur per ductum excretorium meatus impeditur, arteriæ impetus in vas exhalans, validius quam in statu naturali aget; atque inde exhalantis liquoris effusio solito major consequetur. Et hoc etiam aliam hydropis causam suggerit, ex pressura, nempe, in extrema exhalantium aucta.

Hujus generis hydropes, qui perspirationem obstructam comitantur, haud forte tam aquosi liquoris, in sanguine retenti, copiam imputandi sunt, quam majori pressuræ in extrema exhalantium membranæ cellularis; eo quod cutis ductus excretorii a frigore aliave quavis causa obstruuntur.

Omnium autem aliarum ea sæpissime causa, quæ pressuram in exhalantium extrema præcipue auget, venosi systematis affectibus debetur.

Quidquid sanguinis cumulum, præter naturam, in venis majoribus effecerit, sive sanguinis cursum per venas impediendo, sive alio quovis modo, pressuram in extrema arteriarum exhalantium necessario tandem augebit; & proinde ex aucta effusione hydropa parere poterit.

Atque adeo quodcunque sanguinis circuitum per venas

ma-

maiores impiedierit, quæ nempe per pulmones vel dextrum cordis latus transeunt, aut in Vena Cava, Jecore, Liene &c. sæpe hydropem inducet.

Et hujusmodi impedimenta aut a venarum obturatione aut angustatione oriuntur; altera a polypis vel alia quavis materia venarum cava implente aut occupante; altera a compressione externa, veluti a tumoribus schirrosis, steatomatibus, tumoribus cysticis, graviditate &c. Vena etiam ab aucta laterum crassitie, aut a tumoribus tunicarum angustari potest.

Quod autem obstructio venosi sanguinis recursum facta ad hydropa pariendum valeat, effusionem ab arteriis exhalantibus augendo, ex Cl. Loweri experimento solerti clare demonstrari videtur; qui, ingentis molossi canis thorace perforato, venam cavam ascendentem ligavit, & postea vultus consuit; Quo facto, animal statim elanguit & paucas post horas moritur. Refecto demum abdomine, tanta videbatur in eo contineri seri copia, quanta affuisset, si animal diu admodum ascite laborasset (b).

Inter multa hydropum exempla a causis supra dictis exorta, pauca tantum memorabimus. Cl. Monro a ventriculi & lienis schirrhis duos tradit casus memorabiles; (c) Cel. De Haen Ascitæ historiam ab omento in tumorem sebosum pon-

(b) LOWERI de corde cap. 2. pag. 123.

(c) Essay na the droply pag. 15. 16.

(a) MONRO an Essay on the droply pag. 125,

ponderis librarum triginta trium distento; (d) duo item steatomata ab uteri fundo exorta. (e) Tumores etiam hydropici inferiorum in sœminis pregnantibus extremorum, soliti plerumque graviditatis comites sunt, in ultimis præsertim mensibus. Hydrops quoque Pectoris & Abdominis à polypo in utroque cordis ventriculo exortus. (f) Bonetus (g) & Illustr. Morgagni etiam similes aliquot casus tradunt. (h) Singularis itidem hydropis casus, ab aucta crassitie & tumore in tunicis venarum, clinico cuidam ægroto accidit, in Nosocomio regio Edinburgensi 1765. (*)
Hic

(d) Ratio Medendi vol. 1. pag. 285.

(e) Monro an Essay on the dropsy pag. 17.

(f) Ephem. German. dec. 2. ann. 6. obs. 232.

(g) Sepulchret. Lib. III. §. 21.

(h) De sedibus & causis morborum. Epistol. 38.

(*) Margarita Page annorum triginta sex ingressa est ægra clinica Nosocomium Regium Edinburgi 3. Kalend. Decemb. MDCCCLXV.

Maxima tum Dyspnœa cum tussi crebra & sicca laborabat; nec, præ metu suffocationis, supina recumbere poterat, dormituriens subsultare solita; Genæ sufflatæ & labia sublivida erant; levissimo motu vertigo oboriebatur & spiritus deficiebat. In brachio lævo & tibia utraque ausus erat hydropicus, nulla autem fluctuatio in ventre erat, quæ percipi poterat, nec ausus conspicuus; alvo regulari, pulsû non ita crebro, nullo cibi appetitu, & mensibus suppressis. Quatuor ante menses febre intermitte affecta erat, quæ circiter hebdomadas decem durabat, eamque ad extremam debilitatem redigerat; quo tempore prolem mortuam enixa est, nec post lochia insecta sunt. Post hæc quatuordecim Respirationis Difficultas & pectoris dolor supervenit, quæ vesicatorio inter humeros applicato levata erant. Hæc symptomata mox sequebatur tibia læva tumor, & Dyspnœa iterum reversa; Dyspnœa autem, lævo brachio tumefcente, abiit, ut primum Nosocomium ingressa est, pascitura in lævo facta erat brachio, unde magna

Hic autem casus ex ingeniosi Loweri experimento belle illustratur; quo, ligatis venis jugularibus canis, caput omnesque supra ligaturam partes tumore hydropico affici videbantur. (i)

Atque istæ quidem causæ, sanguinis cursum obstruendo, in venis majoribus ejus accumulationem efficiunt.

Ab aliis vero causis, sanguinis meatibus in statu naturali manentibus, accumulationes accidunt; Quarum una imprimis est quæ accumulationem efficit, erecta nempe corporis positura.

Quoniam autem modo hæc causa pressuram in extrema exhalantium arteriarum augeat, a notis Hydrostaticorum legibus facile intelligi potest; & ab hac causa, in corpore humano, hydropes exoriri, crebra se produnt indicia, ex tumoribus intercutibus qui sæpe vespere occurrunt, in homi-

magna aqua effluxerat copia, eamque multum levaverat. Parum tum sibi erat affecta, & cutis satis frigida erat, sed tussis crebra & molestia vexabat; Pulsus postea accelerari perstitit, tumor augebatur admodum, seque per totum caput, faciem & collum diffudit; deglutitio & locutio perquam difficilis evasit. VII. Id. Decembris, pulsus ad 116 assurgebat, deglutitio & locutio liberior fuit, ex punctura in collo pridie facta, unde copiosa fuerat profusio; sed jam continuo sopore & dolore quodam capitis gravabatur. VIII. Id. Decembris, stupore & delirio vehementer aucto, de violento per dorsum dolore a priore usque nocte graviter conquesta est. Respiratio tum molestissima, pulsus admodum exilis & irregularis & deglutitio difficilissima. Symptomata augere pergebant, & Id. mortua est. Inter dissectandum, venarum tunica, lævæ nempe jugularis & subclaviæ, inventæ sunt multo crassiores factæ; & glandium vicinarum aliquot auctiores, eodem fere modo quo ligature in venas agere videbantur.

(i) De corde cap. 2. pag. 128.

minibus procere admodum staturæ, aut quorum vitæ mænia maximam diem partem pedibus insistere cogunt, mane autem post nocturnum recubitus ex cubanti corporis positura abeunt.

Sanguinis accumulatio in venis, seu plethora venosa interdum a solitæ sanguinis evacuationis suppressione oriri videtur; traditur enim hydropis historia a mensium suppressione, (k) a suppressione itidem hæmorrhoidum (l).

Solitæ etiam serosæ evacuationis suppressio, eodem tendere potest, ut plethoram in systemate venoso pariat, & proinde hoc modo hydropem inducat. Quamvis hæc forte aqueam sanguinis portionem potius auxerit, quæ ab exhalantium extremis elabatur. Et hujusmodi hydropes magis aquearum sanguinis partium abundantia, quam venarum plethoræ attribuendi sunt.

Hactenus iis causis, quæ, fluidorum pressuram in exhalantium arteriarum extrema augendo, hydropem inducunt, observatis; alia effusionis auctæ causa, mensura nempe aperturæ exhalantis aucta, considerata prodit.

Singula in corpore humano vascula exhalantia, quantumvis parva, sicut vasculum quodvis aliud arteriosum, tunica musculari, contractili, aliquatenus instructa sunt; & rationi consentaneum videtur, istorum canalium parvo-

rum

(k) FORRESTUS Lib. 19. obs. 34.

(l) Ibid. obs. 39.

rum modum & capacitatem, resistentiam etiam quæ sit fluidis in eos impulsis, magna ex parte, hujus tunicæ muscularis viribus & contractilitati deberi.

His igitur profitis, facile statuere licet: quicquid fibrarum muscularium in parvis arteriis debilitatem aut atoniam inducit, id earum resistentiam, quæ fluidis sit circulantibus, minuere & efficere ut a solita pressura dilatantur. Qua sub conditione, extrema exhalantium faciliorem fluidis inclusis transitum præbent.

Hinc igitur, in omni relaxationis genere, ut in chlorosi, cachexia & paralyti, tumores aquosos aliquatenus saltem comitantes cernere est; quoniam pallor, cutis squallor, solidorum relaxatio & frigidi indolentes tumores, assidui sunt virium vitalium languoris comites; hydrops enim semper paralytin comitatur.

Ad tertium jam causarum genus auctæ effusionis accedimus, auctam scilicet aqueorum fluidorum, proportionem, copiam.

Augeri autem potest aqueorum fluidorum copia, aut insolita liquorum aqueorum mole, usu in corpus assumpta aut crassioribus, viscidioribus & constantioribus sanguinis partibus subductis, veluti rubris globulis & lymphâ simul, in hæmorrhagia; vel lymphâ simplicius per se, in evacuationibus serosis: aut demum aquosa sanguinis parte perperam retenta, ut in perspirationis & obstructæ urinæ secretionem.

Hydropum, qui a nimia tenuiorum liquorum usu oriuntur, exempla sunt plurima.

Monro casum ejusdam tradit, qui, in febre, ingentem aquæ hordeacæ copiam bibendo, anasarcam fere insanabilem sibi induxit. (m) Ingen: Willis fœminæ junioris, nutricis historiam enarrat, quæ immodico cerevisiæ tenuioris potu, nunc per se, nunc lacte mistæ, ascitem contraxit. (n) Similis etiam huic casus traditur. (o)

Et ad hæmorrhagias quod attinet, Riverius e vomitu sanguinis ascitem memorat. (p) Listerus e sputu sanguinis. (q) Forrestus nimia mensium diuturnitate. (r) Item sanguinis vomitu. (s) Alique alios ejusmodi effectus tradunt. Ex nimia venæsectione duos casus. (t) Ex crebris hæmorrhagiis & liberiore tenuiorum liquorum usu. (u) Schenkus crebro & diuturno e naribus sanguinis profluvio. (w) Celeb. Hofmannus e profluvio sanguinis post abortum tertio mense factum. (x)

Hydrops qui oritur ex lymphâ purius & simplicius evacuationibus serosis subducta, sæpius occurrere videtur, eo quod

quod morbus hicce toties Diarrhæis, Dysenteriiis & purgantium admodum acrium usui succedant.

Exempla hydropum, qui ex urinæ aut perspirationis suppressione sola oriuntur, sine alia causa, crebra admodum non sunt; sed ejusmodi, ut ab hisce causis oriri posse statuant. Ut ascites ab intermissione consueti poplitum sudoris. (y) Listerus hunc memorat a dysuria evenire. (z) Et a subita urinæ oppillatione. (a)

Huc usque eos hydropis casus, qui ab aucta effusione oriuntur, consideravimus, quatenus a naturalibus sit organis secretoriis, quæ fluida in varia corporis cava effundunt; Præter hanc autem creberrimam hydropis causam ab effusione, aliud etiam est causarum genus, huic auctæ effusioni referendum, sed quod a priori diversum existimari potest; quatenus non naturali secretionem efficiatur, at laceratione aut ruptura vasculorum tenuiora aquea corporis fluida transmittentium: qualis est ruptura parvarum arteriarum ex contusionibus, luxationibus &c. aut ipsorum absorbentium vasculorum, putâ lymphaticorum, ex nimia distensione &c.

Quibus ex causis hydropum exempla fati multa occurrunt, quorum quædam a variis subjiciantur (b).

Du.

(m) An Essay on the dropsy pag. 11.

(n) Pharmac. Ration. P. 2. cap. 3. § 2.

(o) Miscell. Curios. dec. 2. ann. 9. obs. 133.

(p) Observat. commun. 15. pag. 556.

(q) Exercit. Med.

(r) Lib. 19. obs. 35.

(s) Ibid. obs. 42.

(t) Miscell. Curios. a. n. c. dec. 2. ann. 2. obs. 169.

(u) Philosoph. Transact. N. 471.

(w) Observ. lib. 3. de Hydropo obs. 9.

(x) Tom. III. Cap. 14. de Hydropo observ. 3.

(y) Aët. Phys. & Med. Vol. 5. obs. 2.

(z) Exercit. Med. de Hydropo.

(a) Miscell. Curios. a. n. c. dec. 3. ann. 5. & 6. obs. 185.

(b) Turner Hydrocelem memorat ex contusione ab ephippiis. vol.

Dubium forsā est, an huic generi accensendæ sint extraordinariæ illæ effusiones, præter naturam, quæ interdum a vesicularum aut saccorum rupturis in cava illabuntur.

In hydrope cystico, (e. g. ovarii) quamdiu cystis, in quam aqua colligitur, integra manet, tumoris hydropici incrementum (i. e.) aquæ in eum effusæ copia tarde & sensim admodum fit, ne per multos annos in molem aliquam magnam evadit; si tamen cystis hæcce frangatur, ejusque fluidum in abdominis cavum effundatur, tum aquæ copia, ex interna membranæ cystidem formantis superficie effusa maxime augetur; ea verisimiliter de causa, quod pressura fluidi, antea in cystide contenti nunc amovetur.

Pensitatis igitur variis causis, quæ aquæ effusionem in quodvis corporis cavum augendo, hydropem creare possunt, deinceps examinanda venit altera supra memorata generalior causa, vj5.

A B.

i. pag. 229. Monro ex lapsu — Essay on the dropsy pag. 125. Anasarcam serotam ex istu pridie accepto — ibid. pag. 125. Hydropem thoracis, ex plaga in pectore. ibid. pag. 18. Celeberr. Mead Abdominis hydropem, a plaga in dextro latere. Mon. Med. Cap. VIII. pag. Riverius pedis hydropem a luxatione Tali — Cent. III. obs. 71. Monro anasarcam universam ex Carpi luxatione in conatu ponderis tollendi. Essay on the dropsy pag. 12. Alii etiam duos hujusmodi similes casus. Memoir. de l'Academ. des Sciences l'ann. 1704. & 1710.

ABSORPTIO IMMINUTA.

Quæ ab ipsorum absorbentium vasorum obstructione exoriri potest. Atque hæc nunc duorum generum esse ponuntur.

1º. Venarum extrema, ad sanguiferum systema pertinentium, quibus in iis corporis partibus, quæ venis lymphaticis valvularibus non instruuntur, fluida effusa absorbendi munus necessario assignantur.

2º. Venæ lymphaticæ valvulares, ad quas generalius officium istud proprie pertinet.

Quarum posteriorum obstructio duplex videtur; aut meatuum generaliorum, aut singularium lymphaticorum obstructio.

De hisce speciatim ordine dicendum.

Absorptio igitur imminuta accidere potest a venarum obstructione, in iis corporis partibus, quæ lymphaticis absorbentibus carent.

Idque nullibi humani corporis obtingit præterquam in cerebro, ubi huc usque vasa lymphatica absorbentia nunquam existere constitit; atque hæc verisimiliter præcipua est Hydrocephali causa.

Ad obstructionem lymphaticam quod attinet, aut in lymphaticis generalioribus aut in singularibus, maxima lymphæ pars a venis lymphaticis in ductum thoracicum transit & in venam subclavianam deferitur.

Si quavis de causa, liber lymphæ transitus per vascula

B 3

lym-

lymphatica majora impediatur, in lymphaticis minoribus stagnabit lymphæ, eaque distendens prohibebit quo minus sese depleant; unde absorptio in corporis cava cessabit, & exhalatione per arterias procedente, hydrops sequetur. Et in hujus rei exemplum, Scherbius lapillum in receptaculo chyli hydropem induxisse tradit (c).

Rariora sunt morbi hujus exempla a lymphaticis particularibus orientis, verum ab hac causa hydrops oriri una aut altera historia vel satis probat.

Solertissimus ALEX. MONRO junior, se tumorem hydropticum in altero extremorum inferiorum, ex alterius glandium inguinalium tumore exortum observasse memorat; idemque phenomenon in superioribus extremis ab axillarium glandium tumore animadvertisse tradit. Celebris etiam Hunterius tumoris inguinalis historiam refert; quo rupto, magna tenuis aquosi fluidi vis effusa est, & ingenti copia per dies aliquot effundi pergebat, sensim autem minuebatur & subito tandem desit; pro ratione vero vulneris inguinalis sanati tumor hydropticus in crure vicino exoriebatur. (d)

Absorptio imminuta ab absorbentium etiam paralyti evenire potest.

Absorbentia autem irritabili aut musculari contractione imbui,

bui, a variis phenomenis apparet; eo nempe quod post mortem sese evacuent. &c. &c.

Si igitur contractio illa aut vis muscularis ab iisdem causis minuatur, quæ in aliis corporis partibus paralyfin inducunt; consentaneum est absorbentium depletionem similiter tardari, & exinde fluidorum absorptionem lentius procedere. Atque huic origini, aliquatenus, hydrops paralyfin & extremorum atoniam comitantes, attribui videntur.

His itaque hæcenus, de hydropum causis universum præmissis; ad ascitem, dissertationis hujus præcipium argumentum, sigillatim considerandum progredimur.

§. II. DIAGNOSIS.

DEFINITIO.

„Ascites est accumulatio, præter naturam, fluidorum effusa, foram in abdominis cavum, i. e. inter peritoneum & viscera abdominalia.

Difficulus ascites a quibusdam aliis hydropis speciebus, quæ ad eosdem fere locos situs suos habent, distinguitur; ut plurimum vero per sequentia indicia se satis manifestare videtur. Quippe a tumore abdominis gravi, non circumscripto & ab inferiore abdominis parte incipiente, fluctuatione contentæ aquæ, delapsu humoris & inde tumoris versus latus in quod æger decumbit, ubi saltem totum abdominis cavum mundum accurate repletum fuerit, &

mo.

(c) Dissert. Inaugur. in Celeberrimi HALLERI collect. disput. Vol. V.

(d) Medical Commentaries P. I. pag. 58.

mónente LOMMIO, (e) siti inexplibili in hac specie morbi maxime urgente, urina pauca lixivialis colore rubescente & lateritio, ac, morbo in summum aucto, respiratione difficili, & in situ supremo vix aut non omnino peragenda.

Tumor diffusus hunc morbum ab hydropo inter peritonæum & musculos abdominis distinguit, in quo fere semper circumscriptus tumor est, plerumque etiam in anteriore parte abdominis situs est hic morbus, neque ex situ ægri mutato tumor, ut in ascitide, locum suum variat; lente etiam increfcit hic morbus, neque adeo subito aquofas sanguinis partes abstrahit, ut siti molesta afficiantur ægri, aut urinae quantitas notabiliter minuatur, sed quæ quantitati potus, ut in sanitate, respondeat, colore manente naturali; respiratio etiam, quando tumor in immensam molem augetur, haud ita valde impeditur.

Exemplum autem hujus morbi maxime memorabile inter TULLII observationes legere est. (f)

Ex symptomatum hujus speciei hydropis enumeratione, inter eum atque ascitem facile admodum & manifestum adparet discrimen; sed in cystico abdominis hydropo symptomata haud ita facile distinguuntur.

Hydrops Cysticus forme oritur, ex aquæ collectione intra dilatatum glandis cavum, aut in membranis cellularibus, quæ distentione vesiculas aut saccos formant, nec forte

us-

(e) Observat. Cap. de hepat. Lib. 2. obs. 12.

(f) Lib. IV. Cap. XXXIV.

usquam, uti a quibusdam asseritur, in vasis dilatatis constat.

Istæ vesiculæ & sacci, ubi auctiores sunt, attrectati, veluti Hydatides altius positæ sentiuntur; ubi vero in tantam increverunt molem, ut abdominis cavum impleant, ab ascite vix distingui possunt; quo in casu in morbi historiam & progressum diligenter inquirendum est, & symptomata præsentia accurate sunt examinanda.

Æger hic ferme, ut in peritonæi hydropo, dolorem obtusum & tensionem sentit, quibus tumor succedit; progressus tardior est quam in ascite, & quando vesiculæ viscerum alicui adnæstuntur, æger interdum molem seu pondus ab altero in alterum ventris latus dilabi sentire videtur; respiratio minus ferme quam in ascite afficitur, corpus multo facilius suis fungitur officiis, & urina pro potus ratione copiosior est.

Abdomen in hoc morbo nullatenus ullis medicamentis minuitur, ipseque morbus interdum per annos aliquot sine gravi aliquo incommodo perdurat.

Ubi sacculi in Jecore aut Liene insunt, perceptu difficilissimi sunt, aut ubi parvuli complures sunt per cavum abdominis sparsi.

Ascites facilius ab ovarii hydropo quam a priore specie distinguitur.

Ovarii hydrops ab obtuso incipit dolore, & ponderis sensu in altero Hypogastrii latere, quem tumor circumscriptus comitatur; agræque hanc morbi speciem absque

ullo notabili valetudinis impendio perferunt; vires concoctrices vigent & valent, sæpe etiam concipiunt & liberos pariunt; solita quoque in hoc morbo manet urinæ copia, interdum in lateris effecti femore tumor accidit, atque hoc morbi signum est pathognomonicum; admotum autem difficile est inter hunc & ascitem discrimen, ubi eo increvit, ut abdominis cavum impleverit, nec nisi per symptomata supra memorata percipi potest, quamvis sæpe etiam abdominis dolor & vomitus adsit.

Ascites a Tympanite duobus hisce symptomatibus distinguitur; nempe in tympanite abdomen percussum instar tympani sonitum reddit, æger etiam, licet abdomen multum distendatur, multo tamen levius & facilius se habet quam in ascite.

Hunc ergo in modum diagnosi considerata, ad morbi historiam pergitur.

§. III. SERIES ET ORDO SYMPTOMATUM.

Ascites ferme a magna incipit urinæ inopia, coloris flavi rutili intensioris, comitante intercute pedum tumore, qui vespere multum augetur, nocte vero e corporis jacentis situ subsidit & deturget, mane autem per faciem apparet inflatio hydropica, præsertim in superciliis, aut in manu alterutra, in quam æger per noctem incubuerit; valida adest sitis, & abdomen sensim impletur fluido, quod unamquamque ejusdem altitudinis partem æqualiter premit;

mit; ægro stante, hypogastrii regio admodum distenditur, jacente vero & in positu supino, inferior lumborum regio distenditur & Diaphragma sursum premitur; dyspnea adest cum tussi sicca, febris quædam quamvis ferme levis, cum insigni lassitudine, anorexia, magna alvi adstrictione, macie & superiorem extremorum defectione, pulsu etiam exili, crebro, duro quodammodo & tenso; morbo invalescente, in viris scrotum, femora & penis, in sæminis labia pudendi & femora magnopere distenduntur. (g)

Ubi tanta est aquæ copia, quanta totum abdomen impleat, tum respiratio adeo difficilis evadit, ut æger, ne suffocetur, erectus dormire cogatur, somno interim molesto, interdumque aliquantulum pituitæ eruentæ expuat, & sæpe in extremo morbi stadio, e naribus hæmorrhagiæ cum ulceribus, gangrenis & viscerum sphacellis apparent.

§. IV. RATIO SYMPTOMATUM.

Horum plerumque symptomatum ratio ex ipsius morbi natura facile patet.

Ab aqua in membranam cellularem effusa tumores exoriantur, qui secundum statum & situm corporis suum etiam situm mutant, nunc in manibus, pedibus, facie, nunc in ab-

(g) SAUVAGES Nosolog. Method. Vol. V. Class. X. pag. 328, 329.

abdomine obversantes; & intra abdominis cavum collecti dyspnæam & tussim siccam efficiunt.

Urina exigua est & admodum intincta, eo quod aquæ moles, quæ per renes transire debebat, in membranam cellularem effusa est; eandemque ad causam sitis est referenda, præcipue si huic accedat, humorum acrimonia & falsitudo huic auctior facta.

Anorexia & alvus durus, viscerum chylopoieticorum macerationi & ventriculi tono delecto attribuenda sunt.

Macies tam a paucitate nutrientium fluidorum, quæ concoctione parantur, quam a generali fluidorum acrimonia exoritur; & a causis similibus quibus febris lenta inducitur, sanguis dissolvitur & tussiendo expuitur, aut e naribus crebris hæmorrhagiis defluit, quibus gangrenæ succedunt & mox mors consequitur.

§. V. CAUSÆ ASCITÆ SPECIATIM.

Quoniam fusc adeo de hydropse in universum differimus, ejusque causas generaliores enarravimus, pauciora restant dicenda de iis, quæ speciatim ascitem inducunt; quam supra ostensum sit, plerasque illic memoratas, posse hanc etiam morbi speciem producere.

Quare breviter omnino eas causas monstrabimus, ad quas ascites præcipue, magis quam ulla alia morbi species originem suam refert & ex iis creberrimæ sunt & maximæ.

1°. Quæ ad auctæ effusionis caput, pertinent, illumque ejus capitis casum, qui a pressura in extrema vasorum aucta ori-

oritur, e sanguinis scilicet in systemate venosæ accumulatione, ex obstructionibus sanguinis cursui factis per Pulmones, Cor, Ventriculum, Jecur, Lienem, Omentum, Uterum aut aliud quodvis viscerum, quæ intra abdominis cavum continentur; præsertim vero ex obstructionibus Jecoris & Lienis, quoniam venæ sanguinem a præcipuis abdominis visceribus referens, ad jecur desert, per quod transit, antequam venam cavam ingrediatur; si istud igitur viscus obstruatur, id in causâ esse potest, ut a vasorum extremis in abdominis cavum, præter naturam, effusio fiat.

2°. Præter hæc obstructiones, quæ sæpenumero sanguinis accumulationem in venoso abdominis systemate creant; iidem effectus ex alia causâ sequuntur, quæ non raro intervenit, solitarum nempe evacuationum, veluti mensium & hæmorrhoidum, suppressis; atque ascitæ ex iis causis exorientis, exempla aliquot jam ante in prima sectione memorata sunt.

3°. Ascites porro præcipue ex vesicularum & sacculorum ruptura efficitur, quæ sæpius in abdomine quam in ullo alio corporis cavo accidit. (b).

4°. Alia demum ascitæ causâ esse potest, obstructio facta lymphæ, per transitus generales redeunti, quæ in quibusdam majorum Lymphaticorum valibus rupturam efficiat. (i)

§. VI.

(b) Medical Essays Vol. V. p. 2. art. 64. — Aët. Hassniens. Vol. V. Obf. XII. De Hæm. Rat. Medend. Vol. 2. p. 5. Cap. 2. §. 2.

(i) MORROSS Phthisiologia Lib. I. Cap. X.
C 3

§. VI. PROGNOSIS.

Ut varia sit, oportet, pro variis causis morborum inducentibus. Ubi a scirrhis & obstructionibus in visceribus abdominalibus oritur, ex infelici, vulgo, medicorum successu in hisce morbis tractandis, eorum causas inveniendi, & remedia quæ eas tollant, adhibendi difficultas apparet; Hydrops igitur ab hisce causis oriundi raro curationem radicalem admittunt, & sanatio imperfecta (seu palliativa ut aiunt) solum est expectanda.

Est quodam prodire tenus si non datur ultra.

HOR.

Prognosis autem potius ad ipsorum morborum historiam pertinet, quorum hydrops magis quasi effectus existimetur.

Observandum tamen est hydrops istis ex causis oriundos, nequaquam, propter solam illas causas amolijendi difficultatem, negligendos esse: cum facile ostendi possit, morbos illos, seu morbi causas, diu quidam subsistere posse, sed multum ab ipsis symptomatibus aggravari; quæ igitur omni, quo fas sit, modo amovenda sunt.

Quando Hydrops in cystide intra abdominis cavum continetur, Prognosis tum proclivior erit, quod ejusmodi hydrops interdum per annos complures sine magno ullo incommodo durent.

Ubi Ascites ex evacuationum suppressione oritur, Prognosis pro majore aut minore eas restituendi difficultate, se habebit.

§. VII.

§. VII. MODUS MEDENDI.

Quandoquidem omnia medicamina in una aliqua hydro-
pis specie adhibita, similes fere in omni alia effectus produ-
dunt, heic tantum generalis curandi ratio proponenda vi-
detur.

Et primo, ubi Hydrops ex aucto sanguinis momento, ab aucta arteriarum actione effecto, exoritur; hic indica-
tiones sunt, primum, aucta arteriarum actio tollenda &
minuenda est, dein Hydrops ejus effectus amolijendus
est.

Ad primum obtinendum, remedia vulgo in casibus sys-
tematis inflammatorii usurpata, hic utiliter administra-
buntur; & a pluribus medicis practicis venæsectionem uti-
lissimam esse compertum est. Cujus in Hydropibus, ab
hac causa verisimiliter, oriundis, efficaciam commodam,
& singularem mecum communicavit Medicus Ingeniosus
& amicus meus Darwin de Lichfield in Anglia. (*)

Hy-

(*) Quidam annos natus plus minus triginta spiritibus bibendis mul-
tum deditus, Asciten, & in extremis inferioribus Anasarcam contra-
xerat, respiratione molestissima comitante, de dolore quem in jeco-
ris regione perſentiebat, querebatur, cum pulsus simul plenus & cre-
ber adesset. Venæsectionem tertiam subit, sanguisque semper dia-
thesis inflammatorum monstrabat; Ter medicamentum cum Mer-
curio dulci catharticum usum est, dein vomitu, & postea aliquandiu
cortice & Chalybe pro more prescripto. Quo pacto prorsus conva-
luit, & ab hoc tempore, per annos jam quinque, ab omni quærela
aut in incommodo hydropico immunis perstitit.

Hydropum vero causa maxima ut sæpius supra dictum est ex obstructionibus oritur, qua sanguinis accumulationes in venis majoribus efficiunt.

Istæ autem obstructiones e variis causis pendent, & in diversis systematis venosi partibus situs suos habent, æque varios.

Curationis indicationes pro morbi varietate varianda sunt, rationes etiam ineundæ quæ hisce indiciis respondent.

Hic autem pleniorum rationum, quæ huic rei inserviunt, enumerationem inchoare, instituti nostri ratio, non patitur; ita enim in variam disquisitionem distineremur, de natura scilicet variorum morborum, quales sunt Pulmonum obstructiones, variæ Catarrhorum species, varii etiam pulmonici affectus. &c. &c.

Ex causis istis multum feliciter submoveri possunt; quo in casu, symptomata hydropica sponte sua evanescent. Medici tamen plerumque causas illas tolli desperantes, coguntur, quoque modo potuerit sese ad earum effectus amovendos accingere, ad aquam nempe hisce causis elusam, evacuandam. Quod quidem duobus ferme modis efficitur.

1°. Fluidorum elusorum absorptionem iterum promovendo, eaque mox per quædam corporis emunctoria evacuando.

2°. Apertura artificiali, paracentesi scilicet aquam hydropicam emittendo.

VOMITU.

In hydropo curando medicorum maxime, in emeticorum usu

usu subsidium maximum posuerunt, quod solidorum oscillationem & fluidorum motum præcipue augent; in iis autem administrandis summa adhibenda est mollities atque cautela, in ægris præsertim qui hæmorrhagiis obnoxii sunt. Emetica enim stimulo suo absorbendi vim admodum excitant, ut, quamvis continuo non sequatur aquarum evacuatio, attamen (secundum immortalis SYDENHAM observationem) (*k*) vomitu desinente, purgatio vulgo insequatur, quæ aquas absorptas auferit, quo bis terve repetito aquæ tum vomitu tum dejectione evacuantur (*l*): ubi vero aquæ minore copia colliguntur, difficilior Emeticis exhauriuntur. (*m*)

Huic etiam Auctori in praxi fuit fortissima quæque Emetica præcipere; quod a Celeberrimo BOERHAVIO etiam adoptatum est: „sed fortia dari, sæpe repeti, & sine „longa mora intermedia se mutuo excipere debent.” (*n*)

Fortia hæc Emetica communiter utroque modo operantur tum emetico tum etiam cathartico. Quando tantillis adhibentur dosibus, ut vomitum non provocent, & crebro repetitis, copiosam liquorum aqueorum depletionem urina & dejectione efficiunt, sæpeque etiam sudorem copiosum excitant (*o*).

PUR-

(*k*) Oper. omnia Cap. de hydropo pag. 489.

(*l*) Ibid. pag. 493.

(*m*) Ibid. pag. 496.

(*n*) Aphor. 1245.

(*o*) MONRO an Essay on the dropsy pag. 56.

PURGATIONE ALVI.

In hujus morbi curatione naturæ conaminum contemplatio in magnam Catharticoꝝ utilitatis opinionem medicos adduxit, ut natura sæpius hac, per diarrhæam, quam ulla alia via ad aquam evacuandam tendat.

Cathartica & diuretica iis, quas per renes atque intestina creant evacuationibus non solum aqueoꝝ in sanguine fluidoroꝝ copiam minuunt, sed stimulo etiam circulationis vim augent; unde exhalatio per arterias necesse est ut minuantur, simulque absorptio per venas augeatur (p).

Verum in corporibus humanis quædam est Idiosyncrasia quâ facilius aut difficilius purgantur, quare sensibile corporis temperamentum hoc in casu regula non est habenda, ut ait Sydenhamus: sæpe enim accidit, ut qui robustioris sunt constitutionis, facilius purgantur, ii autem qui habitu sunt delicatiore fortiora Cathartica postulent. Cathartica etiam, quamquam ad excretiones aquosas augendas conferunt; simul tamen ad ægri vires minuendas tendunt.

Ubi ægri oris & pectoris siccitate afficiuntur & assidue sterni calore; si respiratio admodum difficilis est comitante tussi breviori, & interdum suffocatione magna etiam siti &c. mitissima (quando curatio palliativa, tantum indicatur) purgativa adhibenda sunt: qualia Sal. Neutral. & Man-

na,

(p) WHYTT'S Physiolog. Essays. pag. 86.

na, Crem. Tart. Elect. Lenitiv. Tart. Solub. Tart. Vitriolat. Cassia &c. Horum atque Clysterum usu alvus sæpius solvendus atque ablendus est, lenia simul diuretica subacida & cardiaca ad urinam promovendam sunt administranda; (q) lenia autem purgativa, nisi in his casibus inutilia sunt.

Purgativa hydragoga sunt Elaterium, Scammonium, Gamboga, Jalapium, succus Iridis (vulgo *flower de luce*). Mercurius etiam aliquando commodissime dari potest. Interdum Cathartico hydragogo altero quoque die adhibito, hydrops sine alius medicinæ ope curatur. (r) Radix Senekæ, vel polygala Virginiana comperta est vim purgatricem, diureticam & sadorificam exeruisse per Decoctum exhibita, in Hydrope universali & febre etiam comitante, optimo cum successu; & licet Lien augetur & duresceret, tumor tamen & febris curata sunt (s).

Cathartica Diureticis mista vel alternis administrata vires suas invicem maxime augent; ubi vero Cathartica aquam non evacuant morbum admodum adgravant.

URINÆ VIA.

Diureticorum ea præcipue sunt commoda, quod, cæteris paribus, minus quam aut Emetica aut Cathartica corpus

(q) Celeb. SROOK ann. Medic. p. 1758. pag. 60.

(r) Ibid. p. ann. 1761. pag. 61.

(s) Mémoire l'Academ. des Sciences l'ann. 1744.

pus turbent, minusque ægrum debilitent. In omni habitu delicato, & ubi magna est systematis mobilitas, sola ex evacuantibus usurpandæ sunt.

Hic ejusmodi medicamentis utendum quæ stimulo suo & propria vi urinæ profluvium promoveant; sed medicamenta fluida hujus generis, cum incertus sit eventus quem effectum habitura sint, ubi magna copia bibuntur, nisi profint, semper nocent.

Inter Diuretica Radix Scillæ primum locum merere videtur; eaque sola medicina Hydrops aliquot leviores sanatos conspexi: & in Morbi statu inveteratiore symptomata semper levati, nisi fixus in sterno dolor comitaretur, quo in casu symptomata semper aggravabantur. Et hoc modo commodissime simul & utilissime sumi videtur, nempe,

℞ Aq. Cinnamom ten ʒvj.

Acet. Scil. ut Ph. Lond. ʒij.

Mane a jejuno tria cochlearia sumpta erant & per diem unum cochlearium bis terve repetitum, nec unquam effectum suo destituta fuit medicina quum copiosum urinæ profluvium produceret.

Scillarum pulvis, medicis dosibus in Pilulas datus & sæpius repetitus multo utilior est exhibendi modus, quam ipsa Radicis substantia recens, atque hac efficacissimum evadit diureticum.

Colchicum autumnale adeo a D. Storck celebratum, non æque hic efficaciter operatur se videretur, ea quam ejus

tra-

tradit rationem: multo scillis inferior videtur & ubicunque utiliter administratum fuit, id ferme in levi morbi gradu accidit.

Ex Juniperi baccis cum centaurea minore in vino infusus liquor percolatus in potum communem adhibitus secundum DU VERNEY, optimos effectus dicitur elicuisse. (†)

Illustr. VAN SWIETEN etiam sæpe se ait observasse forte baccarum Juniperi Infusum Asciten & Anafarcam curasse cum morbus non inveterasset (u).

Sales Alkalini, fixi præsertim, diuretica sunt admodum efficacia.

Ingen. Sydenhamus libram genistæ cinerum cum Absinthii vulgaris manipulo uno aut altero in libras quatuor vini Rhenensis infundi præcipiebat, & ex liquore pure percolato uncias quatuor mane, post meridiem, & vespere quotidie administrare solebat donec Hydrops sanatus esset, indeque felicissimos successus sequi tradit (w).

Sales neutrales itidem, ex acidorum & alkaliorum mistura parati sæpe vim eximie diureticam exerunt.

Monro ægrum hydropem universali laborantem sanatum tradit, haustus salinos ter die sumendo, cum haustu anodyno & in ea semidrachmam lixivii Tartari singulis nocti-

bus

(†) Memoir l'Academ. des Sciences l'ann. 1703.

(u) Comment. de aphor. Boerhaav. Vol. IV. pag. 258.

(w) Oper. omnia tradat. de hydropes pag. 497.

bus sub cubitum, & dosi nitri & Jalapii hebdomade (x).

Semen sinapi, cæpa & allium utilia etiam diuretica sunt. Cæparum usu hydrops sanatus traditur (y). Burnet quoque allii usu Asciten sanari memorat, postquam æger multa alia medicamenta inutiliter abhibuisset (z).

III. VAN SWIETEN e Combalusier (a) ægri exemplum adducit, cui acetum ad uncias quinque vel sex haustum, ad Asciten curandum profuit.

Quia defectio in hoc morbo, propter diureticorum usum, rarior est quam conveniat, alvus tertio quoque die solvenda est (b).

Cantharides, quarum HIPPOCRATES, in hoc morbo usum tantopere commendabat, merito nunc omittuntur.

DISSIPATIONE.

Providendum est etiam ut perspiratio restituatur (quavis id in Anasarci ferme quam in aliis hydropis speciebus utilius sit) quoniam, si excretio per cutem augeatur, minor fluidorum copia in cava defertur.

Hæc autem promovenda est agitatione, frictione, arena calida, Hypocausto aut Balneo, salibus alcalinis, tum fixis

(x) An Essay on the dropy pag. 65.

(y) Miscel. Curios. a. n. e. ann. 5, 6. obs. 40.

(z) Thesaur. Medic. Lib. VIII. §. XII.

(a) Pneumato Patholog. pag. 535.

(b) Storack Ann. Medic. pag. 62.

tum volatilibus, & diaphoreticis leniter stimulantibus omnis generis, salibus neutralibus & mixturis, mercurii quoque usu, si ejus effectus accurate versus cutem dirigantur.

Opium sæpe efficacissimum simul diureticum & sudorificum esse compertum est, & Antimonio junctum certius agit: Cl. MONRO tincturam thebaicam & vinum antimoniales magno usui fuisse memorat. (c)

PARACENTESIS.

Hæc operatio maximum successum spondet, quando in recenti sit hydropes; ubi non a viscerum affectu aliquo, sed a mera debilitate oritur, ab evacuationibus aut nimis tenuium liquorum copia subito epota corpore calido.

Ubi vero viscerum cujusvis Schirrus hunc morbum comitatur, paracentesis curatio est imperfecta & mere palliativa, ut aiant, neque usquam peragenda, nisi ubi medicamina suo effectu destituuntur.

Operatio hæcce raro quidquam præter levamen morbo temporarium adfert, & raro mors non mox insequitur; istud autem ex hisce duabus rebus maxime pendet, nimirum, quod operatio procrastinetur, donec ægri vires fuerint exhaustæ, & quod post operationem aer liberius sit admissus.

Duo hæc sunt quæ sæpe morbo huic accidunt, quorum prius

(c) An Essay on the dropy pag. 79.

prius ex ægri sollicitudine provenit, quod libenter medicamentorum effectus eatenus experiri velit, donec sola necessitas operationem subire cogat, ne suffocatio superveniret.

Celeb. VAN SWIETEN e Benevoli (d) casum quendam memorat, quo liberior aëris admissio in causa fuisse mortis ægro, manifeste videbatur; ubi postmodum corpore resecto, in cava jecoris parte obstructio quidem parva inveniebatur, sed totum peritonæum putrefactum erat & ingens puris copia in abdominis cavo.

Duo Paracenteses exempla vidi, ubi felicissimus morbi exitus expectandus erat; uterque tamen æger, Chirurgi imprudentiâ, ex aëris, ut videtur, admissione mortuus est. Aquæeductæ acrimonia prorsus vacuæ, sed post mortem omnia viscera in statu erant putredinis; atque hæc, secundum Celeb. VAN SWIETEN, causa videtur, quâ tot Medici clari operationem hanc damnaverint. (e)

Venæ abdominis cutanæ interdum insigniter distensæ & varicosæ sunt; istæ sunt vitandæ; locus perforationi aptissimus, centrum est inter umbilicum & anteriorem spinæ Ilei processum eo in latere, ubi fluctuatio maxime conspicua est. Ægri situs recubentis, quam in tripode aut cathedra sedentis potior videtur; quum situs hic recubentis ad Syncopes preveniendas multum conferat, quæ in aquam edu-

(d) Dissertazioni di Ant. Benevoli pag. 126.

(e) Comment. de Aphor. Boerhav. Vol. iv. pag. 242.

educendam toties comitantur funestæ. Ante perforationem cingulum quale ab Cl. ALEXANDRO MONRO Senior describitur (f), ægro circumdandum est; aqua omnis simul eodem tempore educenda, cingulum arctius constrictum, prout aqua educitur, prohibet quo minus aliquid gravius accidat, ab amota in visceribus pressura; quorum vasa, eo quod ante compressa fuerint, nunc facile dilatantur, & fluidis impulsis cedunt. Hinc minor solito portio ad extrema superiora & caput fertur; hinc omnia Encephali vasa collabuntur, & syncope mortifera inducitur. Post operationem Anodynum est præbendum, ad anxietates, spasmos & tormenta præcavenda, quibus æger alioquin agitari soleat.

Catharticum etiam ægri temperamento accommodatum, tertio aut quarto quoque die a paracentesi datum, alvus sæpe per aliquot postea hebdomadas in statu naturali permanet. (g)

Si materia crassior sit quam ut per cannulam fluat, aut si hydatides aquâ immisceantur, orificium incidendo dilatandum est. Et ubi viscerum quodvis peritonæo adhærens duo cava efficit, quorum utrumque aquam includit, utrumque incidendum est. (h)

Ubi hunc morbum comitantur tumores intercutis in extremis inferioribus, scarificationes tum & puncturæ in iis locis sæpe prosunt.

Si

(f) Medical Essays Vol. I. pag. 214.

(g) Strock Ann. Medic. pag. 1758. pag. 60.

(h) Monro an Essay on the Dropsy pag. 210.

Si venter, paracentesi quamvis jam facta, rursus intumescat, ægerque rursus magnum vitæ periculum subeat, ad aquam educendam rursus facienda est, & quandoque sæpius repetenda: ita enim ægtorum vitæ per menses aliquot sæpe producuntur.

Liquorum alstringentium injectio in abdominis cavum, post aquas eductas, olim facilitata, propter incommoda praxim illam consequentia, nunc prorsus omissa videtur.

Ubi æger simul hernia laborat, aquæ interdum saccum intrant, atque etiam ubi ea abest, sæpe umbilicum admodum distendunt, in feminis præcipue, easque partes incisione eventu felici aperiri interdum fuerunt, id vero nequaquam periclitandum; quoniam humores per umbilicum educere difficillimum est, vulnusque in hac parte factum vix unquam sanatur. Periculum præterea herniæ umbilicalis hanc in umbilico operationem vetare videtur.

Quando hydrops ex evacuationum, e. g. mensium aut hæmorrhoidum suppressione exoritur, conandum est, ut eas restituantur, si opus sit, & fieri possit: si vero id fieri nequeat, nitendum, ut effectus, quos earum suppressio induxerat, submoveantur, & ut systema corroboratur.

Quando ab exhalantium atonia inducitur, vel aucta fluidorum aqueorum ratione, restituenda est systematis vis tonica, augendæ sunt constanteres fluidorum partes, & submovendi effectus, quos aut solidorum laxitas, aut fluidorum tenuitas induxerint. Magna hic regiminis cura habenda est; ut victus constet ex pane bene fermentato, tosto

aut

aut biscocto, ovis, carniū generibus maxime nutritiis, iusculis fortioribus &c. cum libero aromatum calidiorum usu e. g. raphani equini, cepæ, allii &c. vini etiam Rhenensis.

Cutis etiam frictio, scopula aut panno crassiore facta hic spectat, & multum prodest, cum exercitatione quanta sine fatigatione perferri potest. Navigationem quoque, consentaneum est, hac in re multum conducere, utilesque effectus habitaram; quatenus fluidorum motum auget, ut emeticum agit, & certissimum quod novimus sudorificum est.

Ubi morbus ex atonia oritur, balneum frigidum haud incommodum est, eaque medicamenta, quæ systema corroborant, qualia sunt Cortex Peruy. Chalybs, &c. &c.

Ubi vero ex vasorum, vesicularum, aut succorum ruptura exoritur, curatio palliativa tantum expectanda est.

Inter medicos constat, in hydropo parum aut nihil potus utendum esse, nisi forte insignis aliquod sanguinis momentum adsit, quo in casu potus acidulos administrare licet.

Cel. SYDENHAMUS ægris suis præscribere solebat, ut ora aqua frigida, Vitrioli spiritu acidula reddita, sæpius humectarent, aut ad sitim fallendam, limonii partem vel Tamarindos aliquot in ore assidue fervarent.

III. VAN SWIETEN ex Marcello Donato viri cujusdam exemplum memorat, qui a medicis derelictus, continua a liquoribus per totum annum abstinencia convaleuit (i)

HILDANUS Ascitæ sanati historiam tradit, a potu per mensis spatium abstinendo.

Ce-

(i) Vol. iv. pag. 268.

Celeb. MEAD duo Ascitæ potus abstinentiâ sanati exempla tradit, acidulis modo sitim fallentibus (*k*).

GALENUS se quosdam hydropibus laborantes vidisse narrat, qui a potu per dies quindecim abstinendo sanati fuerunt (*l*).

Eademque etiam ratione curationem perfectam memorat PLINIUS (*m*).

Hactenus fluida collecta amovendi ratio dissertationem hanc exercuit, proxime, quibus rebus systema corroborandum sit, dicendum est.

Pauci omnino sunt morbi, in quos æger proclivior est, ut relabatur, quam in hydropa; in quo primaria morbi excitandi causa præcipue spectanda est.

Utendum igitur corporis exercitatione, frictionibus, cibo arido, aere sicco, balneoque frigido, perstandum etiam in usu corroborantium aliorumque medicamentorum quæ morbo minuendo inserviunt; dosis quoque eorum augenda est, donec solitus systematis tonus restituatur; atque ex optimis, quoad novi, roborantibus medicamentis, quod sequitur, præcipuum videtur:

R. Rad. Columb.

Sem. Cardamom. min. decort. aa ʒj. infusum in vini albi libris duobus per aliquot dies. Duo hujus cochlearia ante prandium sumenda, præterea singula cochlearia bis eodem die.

(*k*) *Monita Medica* Cap. viii.

(*l*) *Lib. vi* § 4. *Comment.* 8.

(*m*) *Lib. 7. Cap. xviii.*